

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱۰ ربیع‌الآخر ۱۳۳۵ جمعه ایرتسی ۲۱ کانون ثانی ۱۳۳۲ نومرو ۱۴

جلال نوری بکه مکتوب

L ۱۶ کانون ثانی ۱۹۱۷

استاد معزز

اسویچره خاطراتی ملفوفدر . بر آیدن بری اقدامك هیچ بر نومروسنی کورمدم . عجا بو کونلرده آله بیلیرمییم ؛ اسویچره یه دأثر یازیلر و دیگرلری چوقدنبری یازیلش طورییور . بوراده نه کاتیم نه کتابم وار . پارمغمده بر جیبان چیقمش . اون بش کوندر نه زحمتله قلم طوتیورم ، بن بیلیرم . چاقی بی اوجندن طوتارکی .. بوراده قیش پك شدتلی . سزکله حسبحال ایده جك پك چوق شیلر وار . بو کونلك مساعده کزله بیان اشتیاق و احترام ایله سوزیمه بوراده نهایت ویریم محب مکریم افندم .

سزائی

اسویچره خاطراتی

۶ اغستوس ۱۹۱۶

طاغلرک مسافرلرندن دکل ، یرلیرندن ، جبالک اولاد سرافرازندن بری ، اوکله دن صوکره ساعت بریچقده بولندیغم اوتله کلرک ، دون کیجه سوزی کچن تنزهی اخطار ایتدی . اوراده ، عزیمت وعودت طوی درت ساعت ! دیوردی . دنیانک کزدیکم یرلرنده اسویچره کی یورومه نك حوایچ ضروریه دن اولدینی بر هملکت کورمدم . اسویچره لی مقتضیات حال و موقع فلسفه سندن انسان - کچی اولق مجبوریتنده ! اسویچره طاغلردن عبارت بر قطعه ! بوراده طوغانلر طبیعی « طیرمانق » خاصه سنه مالک اوله رق دنیا یه کلیور . مثلاً : یانکزدن کچن وتنزه ایچون سوقاغه چیقمش ظن ایتدیککز برکنج قیزله بریاشلی پدر بش التی ساعت مسافه سی اولان دیگر برشهره کیتمکده ، بر

و « طانغوت » عناصری، دین اسلام [چاغاتای] اولکاسنک شمال و غرب جهتلرنده کی و طنداشلرنجه قبول ایلدیکي هنکامده، دین محمدی به اهتدا ایتشلردی . بونلرک نفوسی، شرقی ترکستان مهاجرلری و تیمورلنکک [چونغاریا] ده ترک ایلدیکي اسلام مونغوللری ایله تکثر ایتش و بو صورتله تدریجاً چین ایمپراطورلغنک اورالمده کی اکثریت اهالیسی بونلر طرفندن تشکل ایلشدر .

« نهایتی کله جک نسخه ده »



بر هفته لوق تاریخ حرب



[۱۲ — ۱۸ کانون ثانی ۱۳۳۲]

بو هفته بی ده سکون ایله کچن هفته لر میانه ادخال ایتک لازم. کرک اتفاق مربع و کرک ائتلاف حقیقه جا آلود بر فعالیتله ایلك بهار حربنه حاضر لانیورلر . هر کچن کون بزى ایلك بهارک قانلی مضارعه سنه داها یا قلاشدیریور . کچن سنه آلمانلر غرب جبهه سنده خصملرندن اول داویرا ایتشلر ، شباط او اسطندن سوکره وردون هجومی یا ایتشلردی . ائتلافک تعرض حاضر لقلری وردون او گنده آریه رک برداها ائتلاف آنجق آموزده صوم تعرضنه باشلايه بيله جک اقتدارى کندیسند بوله بیلمشدی . بناءً علیه یارین داخل اولاجغیز افرنجی شباطده ایلك بهار محاربه سنک پاتلامه سی پک مأمولدر . چونکه اک اول حاضر لغنی اکمال ایله شدید یر ضربه ووران طرف جوق قازانه جق ، بلکه ده ظفر قطعی به قدر کیده جکدر .

نیته کیم ، فکرلرینک اعتدالیه معروف اولان انگلیز منقد عسکریسی میر آلاى (ره پینغتون) تا عیس غزته سنده یازدینی بتدلرده (هینده نبورغ) ک ایلك بهارده ائتلافدن اول حرکتیه تشبث ایده جکنى تخمین ایله یور و « عجباً هینده نبورغ تعرضی هانکی جبهه ده اولاجقدر؟ » دییه آراشدیریور . روس جبهه سنده ده ، ایتالیان جبهه سنده ده ، فرانسیز جبهه سنده ده ، حتی ما کدونیاده سارای اوردوسنه قارشى ده تعرض مأمول . آلمان ارکان حربیه سنک حقیقی نیتى کشف ایتک هر زمان کبی ممتنع . روسلر ایلك بهار آلمان تعرضی کندى جبهه لرینه اولاجق دییه اندیشناک ، ایتالیانلر بر آلمان تعرضنه قارشى تدابیر احتیاطیه ایله مشغول . هله (ایزونیو) و (ترانتن) حدودلرندن بر تعرضدن فوق العاده قورقیورلر . بو حال کرک غزته لرندن و کرک تدارکلرندن و تلاشلرندن آشکار کورولیور . فرانسلرده ، (حاضر لانه لم !) دییه فریاد ایدیورلر .

فرانسیز جبهه سنده اهمیتسز موضعی مصادمه لر وار . بلکه بو هفته اولکی هفته لره نسبتله کشف حرکتی داها جوق فعالانه در . کرک هوادن طیاره لرله و کرک یریوزندن طرفین بر برینی صیق صیق یوقلا یور . بو هفته ده فرانسیز جبهه سنده مهمجه بر حرکت اولدی که اوده ، آلمانلرک تقریباً بر آی قدر اول (وردون) ده موزنهرینک صول ساحلنده بالهجوم قسماً ضبط ایتش اولدقلری ۳۰۴ واقعی تیه اوزرنده یکیدن آتی بر هجومله فرانسلرک ۱۸۰۰ متروطولنده سپرلرینی ضبط ایله مه لریدر . فرانسلر لالرندن چیقان بوتیه بی استرداد ایچون فوق العاده صرف غیرت ایله مکده ایه لرده موفق اولاما مقدمه درلر .

ایتالیان صحنهٔ حربنده وضعیت غیرمتبدل اولفده بردوامدر. یالکز (غوریج) و (دوبه ردو)
جبهه لرنده آراصدرا آوستریا کشف مفرزه لرینک جرأتکارانه حرکتلری اولیور. ایتالیانلر آوستریا
جبهه سنک غربنده (غاردا) کولی جوارنده آوستریا مواضعی آرا صیراطوپه طومغه باشلامشدر .
ما کدونیا جبهه سنده بر معتاد سیروز، وارداروادیسی ، بلاسیچه ، موغله نا ، پره سپه طرفلرنده
طوپچی آتشی و کوچوک مصادمه لر اولفده در . طیاره فعالیتی بو جبهه ده آرتقمده در .

روس جبهه سنده بوهفته آلمانلرک تعرضی بر حرکتی کوروله دی. روس جبهه سنک تاشمانده ریغانک
جنوبنده (آ آ) نهرینک طرفینده روسلر برقاج هفته مقدم بر تعرض اجرا ایتشلر و بو تعرضلری
در حال توقیف اولنمشدی . ایشته عین یرده بوهفته آلمان قوتلری شدید بر تعرضه کیریشدیله . پره نس
لئوپولد ۱۰ کیلومترولق برجبه اوزرنده تعرضه کچهرک برایکی کونده برخیلی اراضی ضبط و بیکلرجه
اسیرلر و بر خیلی ادوات حربیه اغتنام ایتدی . روسلر علی العجله پک کالی احتیاط قوتلری جلب
ایده رک بو تعرضی دور دیرمغه چابالادیله . بو تعرض ذاتاً بوموسمده بویوک برشی اولامازدی . اولسه
اولسه موضعی جبهه یی اصلاح ایچون ، اورالرده کی بطاقلرک طوگمه سندن بالاستفاده یاپیلیمش بر
حرکت ایدی .

بو هفته نک روس جبهه سنه عائد شؤنی آراسنده ، غالیچاده ۱۵ نجی قول اوردومزله بر
روس تعرضی پوسکورتمش اولماسی مهم بر موقع شرف و احراز ایتکده در. روسلرک متعدد دفعه لر
تعرضلری کمال موفقیتله دفع ایدلرکدن ماعدا قهرمان تورکلر روسلری تعقیباً تا ایکنجی خطلرینه
قدر کیتشلر و آنجق اقسام اوستی آلدقلری امر اوزرینه کندی موضعلرینه عودت ایله مشلر ،
برابرلرنده برخیلی ده اسیر کتیرمشلر در. متفقلریمز شجیع قطعاً عز حقنده (محرب) و (قهرمان) کبی
مدایح قوللاشمشدر . بو حال بادی افتخاردر .

رومن جبهه سنده ده سکون تمامدی ایدیور . کچن هفته بولغارلرک خضرالیاس قانالندن اوتله طرفه
کچدکلری یازلمشدی . بالآخره بولغارلرک کری چکیلدکلری و بو حرکتکده اساساً برقاج بولوکله
یاپیلیمش اهمیتسز بر حرکت اولدینی آکلاشیلدی . (سهرهت) جبهه سنده کی محارباتک اسباب توقیفی
هنوز بللی دکلسه ده هر حالده روسلرله رومنلرک ما کنزه نک تعرضی توقیف ایده مه دکلری شبهه سزدر .
بزم مطالعه مزجه هنوز رومن حرکتی حد غایه سوق الجیشیه سنه واصل اولمادی . رومانی حرکتی
یاریم قالماز . شو حالده بر آیه قریب زماندر دوام ایدن سکونه کیم بیلیر نصل بر سبب واردر .
تبلیغ رسمیلرده رومانی جبهه سنده کی شدید قیشدن بحث ایدلرکده در .

عثمانلی جبهه لرنده اپی حرکات واره دجله و فلاحیه جبهه لرنده دشمن چوق فعالیت کوستریورسه ده
قهرمان تورکلری یرندن قیپرداتامایه رق بر چوق ضایعات ویریور. یالکز بر تعرضه دار برجبه مز
اوکنده ایکی بیک مقتول ویرمشدر. ایرانده (دیز آباد)ه کیردک. (دولت آباد) دن چکیلن دشمنی سواریمز
تعقیب ایتکده در. سواریمز (سلطان آباد)ه یاقلاشمقده در. بورالری حدوددن ۳۰۰ - ۳۵۰۰ کیلو
مترو اوزاقددر. بو حرکتی - وسائط نقلیه جه و مثلاً بحر جزر ساحلنه قریب اعتباریله بزه چوق فائق
اولان - روسلرله قارشی موفقیتله اداره ایدن عزم و همته تقدیر خوان اولورز .

قافقاس جبهه سنده یالکز کوچوک مصادمه لر واردر .